



16. juni 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Aningaasarsianit akileraarutit pillugit Inatsisartut inatsisaat nr. 9, 3. december 2012-meersumi § 23-mi:**
  - a. Immikkoortoq 2)-mi umiarsuit timmisartullu ataani umiatsiat glasfiberinik sanaat aammalu umiarsuarnut sanilliullugit piusinnaaneri killeqareersut sumik peqquteqarpa ilaatinneqarneranut? Immikkoortinneqassappata Naalakkersuisunit suut aporfiusutut isigineqarpat?
  - b. Immikkoortoq 3)-mi "ingerlatsinermut atortut"-nut (driftsmidler) umiatsiaaqqat aquuteralaallu ilaappat?
  - c. Immikkoortoq 3)-mi "ingerlatsinermut atortut"-nut umiatsiaaqqat aquuteralaallu ilaappata Naalakkersuisunit immikkoortinnissaannut attortussusaannullu naapertuunnerusumillu allannguisinnaaneq qanoq isumaqarfigineqarpa?
  - d. Immikkoortoq 4)-mi "ingerlatsinermut atortut"-nut umiatsiaaqqat aquuteralaallu ilaappata, 100.000 kruunimut killiliutigineqarsimasoq ullutsinni aquuteralaallu aalisartunik atorineqalernikunut nalingisigut naapertuunnerusumik qaffanneqarsinnaaneranut Naalakkersuisut qanoq isumaqarfigivaat? Allatulluunniit naapertuunnerusumik aaqqiisoqarnissaanik Naalakkersuisut qanoq isumaqarpat?
- 2. Akileraaruserinermik ingerlatsineq pillugu Inatsisartut inatsisaat nr. 11, 2. november 2006-meersumi § 15 siusinaartumik utertoorsinnaaneq pillugu Naalakkersuisut pitsaasutut nalilerusunnerpaat? – aamma aaqqinniarneqarnerluni?**
- 3. Namminersornerullutik Oqartussat Akileraartarnermi ukiumoortumik naatsorsuutinut il.il. piunasaqaatit pillugit nalunaarutaat nr. 27, 1. december 2006-imeersoq § 3. Ukiuni makkunani umiatsiaararsorluni aalisarnermi isertinneqartartut qaffariagaattiarnikoopasimmata nalunaarut nutartiler-sarneqarnerluni ? Taamaaliortoqassappallu qanoq qaffaatigilersaartoqarpa ? taamaaliortoqassangippallu suna pissutaasinnaavamita ?**

(Inatsisartuni ilaasortaq Villy Olsvig, Inuit Ataqatigiit)

### Tungavilersuut

Piffissanngorsorinarpoq maani nunatsinni timmisartut umiarsuillu akileraartarnikkut nalikilliliisarnikkullu naapertuunnerusumik aalisartunut piniartunullu umiatsiarsortunut aaqqivigineqarnissaat.

# INUIT ATAQATIGIIT

## Inatsisartuni



Eqqaaneqarsinnaavoq nunatsinni inuussutissarsiornikkut umiarsuit, umiatsiaaqqat, aquuteralaat, allallu aalisariutaallutillu piniutaasalersimasut, tulluussakkamik naapertuuttumillu iluarsartuunneqartariaqalerneru.

Ullutsinnilu angallatit nalingi, angissusaat, piusinnaanerilu naapertorlugit aaqiisoqartariaqalersorinarmat. Ilaatigullu killiliussat qaffaavigineqartariaqalernerinik qanoq eqqarsartoqarnerisooq paaserusunnarsilluni.

Upernariartornerit tamaasa inuit siusinaartumik utertoorsinnaanerannik periarfissaqartinneqarlutik qinnuteqarsinnaatitaasarput, akileraarutissavinnit 5.000 koruuninik annerusumik akileraartoqarsimatillugu imaluunniit taakkunannga amerlanerussappata, akileraaruseriffik naapertorlugu akiliutaavallaarsimasut akileraartussaataasup qinnuteqarneratigut tingusinnaasarpai. Taamatut utertitsinermi akileraartussaataasooq ajunngitsorsiaqartinneqaranilu erniasiaqartinneqassanani.

Ernumassutaavorli inuit ilaat utertoorluarnissartik siunertaralugu ukiumut killilimmik sulerusuttassasut. Tamannalu aaqqiivigissagaanni isummorsorfigineqartariaqarpoq qanoq ilusilersooqittariaqarneranik.

Nunatsinni aalisarnermi inuutissarsiorneq ukiuni kingulliunerusuni assut kaaviartitsiviuvoq, taamaalillunilu aalisartut piniartut isertittangaat qaffariagaattiarsimallutik, ukiumoortumillu immersuisarnerminni tunaartarisartagaat *Namminersornerullutik Oqartussat Akileraartarnermi ukiumoortumik naatsorsuutinut il.il. piunasaqaatit pillugit nalunaarutaat nr. 27, 1. december 2006-imeersoq § 3. Ukiuni makkunani umiatsiaararsorluni aalisarnermi isertinneqartartut qaffariagaattiarnikuussammata qaffaasoqarsinnaanissaa sulissutigilersaarneqarnerluni taassumallu malittaa S 25 (Aalisartut piniartullu 400 tkr. ataallugit kaaviiartitaqartunut NAATSORSUIFFISSAQ) nutartilersaarneqarnerluni.taassumallu aamma nunami suliffinnut tunngasortaa S 24 )Namminersorlutik inuussutissarsiutillit 400 tkr. ataallugit kaaviiartitaqartunut NAATSORSUIFFISSAQ).*

Ullut qulit suliffiusut qaangiutsinnagit akissuteqarfigineqarnissara kissaatigivara.